



U.S. Embassy in Timor-Leste

**Embaixada EUA no Governu Timor-Leste
Aseita Atu Halo Rehabilitasaun Konjunta ba Aeroportu Baucau**

BA PUBLIKASAUN EMEDIATU

28 June, 2021

Ba informasaun liu tan, kontaktu Catherine Kazmirski, Xefe Assuntu Públiku no Rosario Maia, Especialista Média, Embaixada EUA, Dili, Timor-Leste Tel: +670 332 4684, 77908209 maiarg@state.gov

Dili – Embaixador EUA ba Timor-Leste Kevin Blackstone no Vice Primeiru Ministru no Ministru ba Planeamentu no Ordenamentu, Jose Maria dos Reis asina Memorandum Intendimentu importante rua iha 28 Juñu, 2021 iha edifisiu Ministériu Planeamentu no Ordenamentu (MPO) hodi lansa rehabilitasaun konjunta ba Aeroportu Baucau no intensaun ho boa fé sobre potencia apoio Governu EUA nian bai ha setor aviasaun sivil iha Timor-Leste.

Governu Timor-Leste hato'o pedidu apoiu rehabilitasaun aeroportu Baucau ba Governu Estados Unidos iha tinan 2018 no Memorandum Intendimentu ida ne'e refleto komitmentu EUA nain ba pedidu ne'e. Projetu ne'e, finansia husi Ministériu Defeza Estados Unidos ho alokasaun orsamentu millaun \$10.6 hodi hadiak kapasidade Timor-Leste nian iha are siguransa, assistensia umanitária no operasaun sir aba dezastre naturais hodi kontribui ba dezvoltimentu ekonomia ida ne'ebé resiliente no diversifikada. Apoiu ida ne'e inklui dezvoltimentu komponente aereo F-FDTL nian no konstrusaun eskala ki'ik hodi hadiak siguransa no kapasidade armazenamentu Aeroportu Baucau.

Projetu ida ne'e inklui doasaun aviaun Cessna 206 ida fábrica iha Estados Unidos, instalasaun ba bareira (lutu) siguransa, konstrusaun armazen ba ekipamentu no ekipamentu Amérika nian ho qualidade a'as hanesan kareta tula kombustivel, kareta bombeirus, forklift, kamioneta rua Ford F-350, kareta hamos pista no veíkulu apoiu seluk ba siguransa ekipamentu aeroportu nian. Aviaun ne'e sei inklui ho kámara ho teknolojia avansadu atu F-FDTL utiliza ba observa Timor-Leste nia área marítima inklui hodi responde ba dezastre naturais.

Embaixador Blackstone no Vice Primeiru Ministru Jose Reis mos asina Memorandum Intendimentu ne'ebé hatudu intensaun governu rai rua nian atu involve iha diskusaun ho boa fé

konaba poténsia apoiu Governu EUA nian ba dezvoltimentu setor aviasaun sivil, inklui diskusaun konaba formasaun ba rekursu umanu ba operasaun aeroportu sivil Timor-Leste nian no dezvoltimentu operasaun aviasaun sivil.

Embaixador Blackstone elojia Memorandum ne'e, no subliña katak ita ne'e demonstra kooperasaun siguransa no ekonomia ne'ebé diak no besik liu tan entre nasaun rua.

“Hau orgullu ho parseria besik no mútua entre Estados Unidos no Timor-Leste,” Embaixador Blackstone hateten. “Memorandum sira ne'e refleto parseria siguransa no ekonomia tempu naruk entre Estados Unidos no Timor-Leste. Rehabilitasaun conjunta Aeroporto Baucau mak ezemplu atual husi kooperasaun bilateral. Ami orgullu atu apoia dezvoltimentu Komponente Aéreo F-FDTL nian ne'ebé sei ajuda proteje Timor-Leste ninia soberania no direitu ekonómiku. Alem siguransa nasional, projetu Aeroporto Baucau sei kria oportunidade badezvoltimentu ekonomia, inklui turizmu iha parte leste nasaun ne'e nian. Estados Unidos haksolok apoia Timor-Leste nia esforsu hodi promove diversifikasaun no rekuperasaun ekonomia.”

Ministra Negósiu Estranjeiru no Kooperasaun Adaljiza Albertina Xavier Reis Magno partisipa hamutuk ho Embaixador Blackstone no Vise Primeiru Ministru iha eventu ne'e.